

gustav / January 12, 2013 11:14AM

[Re: 法相如是，生如是法 ... 《無量義經 . 說法品第二》](#)

法相如是，法如是生、如是住、如是異、如是滅，如是非相，無量義生也！

gustav / January 11, 2013 11:50PM

[法相如是，生如是法 ... 《無量義經 . 說法品第二》](#)

法相如是，生如是法；法相如是，住如是法；法相如是，異如是法；法相如是，滅如是法。法相如是，能生惡法；法相如是，能生善法，住異滅者亦復如是。菩薩如是觀察四相始末，悉遍知已，次復諦觀一切諸法，念念不住，新新生滅。復觀即時生住異滅，如是觀已，而入眾生諸根性欲。性欲無量故，說法無量；說法無量，義亦無量。無量義者，從一法生；其一法者，即無相也。如是無相，無相不相，不相無相，名為實相。菩薩摩訶薩安住如是真實相已，所發慈悲明諦不虛，於眾生所，真能拔苦。苦既拔已，復為說法，令諸眾生受於快樂。善男子！菩薩若能如是修一法門無量義者，必得疾成阿耨多羅三藐三菩提。

《無量義經 . 說法品第二》，蕭齊天竺三藏曇摩伽陀耶舍譯（[CBETA全文](#)）

T09n0276_p0385b22(00)	無量義經說法品第二
T09n0276_p0385b23(00)	爾時，
T09n0276_p0385b24(15)	大莊嚴菩薩摩訶薩與八萬菩薩摩訶薩說是偈讚佛已，俱白佛言：「世尊！
T09n0276_p0385b25(04)	我等八萬菩薩之眾，今者欲於如來法中有所諮問，
T09n0276_p0385b26(01)	不審世尊垂愍聽不？」
T09n0276_p0385b27(10)	佛告大莊嚴菩薩及八萬菩薩言：「善哉！善哉！善男子！善知是時，
T09n0276_p0385b28(03)	恣汝所問。如來不久當般涅槃，涅槃之後，
T09n0276_p0385b29(04)	普令一切無復餘疑。欲何所問，便可說也。」於是，
T09n0276_p0385c01(03)	大莊嚴菩薩與八萬菩薩即共同聲，白佛言：「世尊！
T09n0276_p0385c02(01)	菩薩摩訶薩欲得疾成阿耨多羅三藐三菩提，
T09n0276_p0385c03(00)	應當修行何等法門？何等法門能令菩薩摩訶薩疾成阿耨多羅三藐三菩提？」
T09n0276_p0385c04(17)	佛告大莊嚴菩薩及八萬菩薩言：「善男子！
T09n0276_p0385c05(03)	有一法門能令菩薩疾得阿耨多羅三藐三菩提。
T09n0276_p0385c06(04)	若有菩薩學是法門者，
T09n0276_p0385c07(02)	則能疾得阿耨多羅三藐三菩提。」「世尊！是法門者，
T09n0276_p0385c08(10)	號字何等？其義云何？菩薩云何修行？」佛言：「善男子！是一法門，
T09n0276_p0385c09(10)	名為無量義。菩薩欲得修學無量義者，
T09n0276_p0385c10(02)	應當觀察一切諸法自本來今性相空寂，無大、無小，
T09n0276_p0385c11(04)	無生、無滅，非住、非動，不進、不退。
T09n0276_p0385c12(01)	猶如虛空無有二法，而諸眾生虛妄橫計，是此、是彼、是得、
T09n0276_p0385c13(06)	是失，起不善念，造眾惡業，輪迴六趣，備諸苦毒，
T09n0276_p0385c14(01)	無量億劫不能自出。菩薩摩訶薩如是諦觀，
T09n0276_p0385c15(00)	生憐愍心，發大慈悲，將欲救拔。
T09n0276_p0385c16(00)	又復深入一切諸法，法相如是，生如是法；法相如是，
T09n0276_p0385c17(05)	住如是法；法相如是，異如是法；法相如是，
T09n0276_p0385c18(02)	滅如是法。法相如是，能生惡法；法相如是，能生善法，
T09n0276_p0385c19(03)	住異滅者亦復如是。
T09n0276_p0385c20(00)	「菩薩如是觀察四相始末，悉遍知已，次復諦觀一切諸法，念念不住，
T09n0276_p0385c21(10)	新新生滅。復觀即時生住異滅，如是觀已，
T09n0276_p0385c22(00)	而入眾生諸根性欲。性欲無量故，說法無量；
T09n0276_p0385c23(01)	說法無量，義亦無量。無量義者，從一法生；
T09n0276_p0385c24(01)	其一法者，即無相也。如是無相，無相不相，
T09n0276_p0385c25(01)	不相無相，名為實相。
T09n0276_p0385c26(01)	菩薩摩訶薩安住如是真實相已，所發慈悲明諦不虛，於眾生所，
T09n0276_p0385c27(10)	真能拔苦。苦既拔已，復為說法，
T09n0276_p0385c28(02)	令諸眾生受於快樂。「善男子！」
T09n0276_p0385c29(06)	菩薩若能如是修一法門無量義者，必得疾成阿耨多羅三藐三菩提。
T09n0276_p0386a01(12)	

T09n0276_p0386a02(02) 善男子！如是甚深無上大乘無量義經，文理真正，
 T09n0276_p0386a03(00) 尊無過上，三世諸佛所共守護，
 T09n0276_p0386a04(05) 無有眾魔群道得入，不為一切邪見生死之所壞敗。是故，
 T09n0276_p0386a05(00) 善男子！菩薩摩訶薩若欲疾成無上菩提，
 T09n0276_p0386a06(01) 應當修學如是甚深無上大乘無量義經。」爾時，
 T09n0276_p0386a07(00) 大莊嚴菩薩復白佛言：「世尊！
 T09n0276_p0386a08(06) 世尊說法不可思議，眾生根性亦不可思議，
 T09n0276_p0386a09(06) 法門解脫亦不可思議。我等於佛所說諸法，無復疑惑，
 T09n0276_p0386a10(01) 而諸眾生生迷惑心，故重諮問。世尊！
 T09n0276_p0386a11(04) 自從如來得道已來，四十餘年，
 T09n0276_p0386a12(09) 常為眾生演說諸法四相之義，苦義、空義，無常、無我，無大、無小、無生、
 T09n0276_p0386a13(00) 無滅，一切無相，法性、法相本來空寂，不來、
 T09n0276_p0386a14(01) 不去、不出、不沒。若有聞者，或得緩法、頂法、
 T09n0276_p0386a15(02) 世第一法；須陀洹果、斯陀含果、阿那含果、阿羅漢果；
 T09n0276_p0386a16(00) 補支佛道；發菩提心，登第一地、第二、第三、
 T09n0276_p0386a17(01) 至第十地。往日所說諸法之義，
 T09n0276_p0386a18(06) 與今所說有何等異，而言甚深無上大乘無量義經，
 T09n0276_p0386a19(03)
 T09n0276_p0386a20(22) 菩薩修行必得疾成無上菩提？是事云何？唯願世尊慈愍一切，廣為眾生而分別之，
 T09n0276_p0386a21(05) 普令現在及未來世有聞法者，無餘疑網。」於是，
 T09n0276_p0386a22(04) 佛告大莊嚴菩薩：「善哉！善哉！大善男子！
 T09n0276_p0386a23(06) 能問如來如是甚深無上大乘微妙之義，
 T09n0276_p0386a24(07) 當知汝能多所利益，安樂人天，拔苦眾生，真大慈悲，信實不虛。
 T09n0276_p0386a25(00) 以是因緣，必得疾成無上菩提，
 T09n0276_p0386a26(05) 亦令一切今世、來世諸有眾生得成無上菩提。「善男子！
 T09n0276_p0386a27(01) 自我道場菩提樹下，端坐六年，
 T09n0276_p0386a28(06) 得成阿耨多羅三藐三菩提，以佛眼觀一切諸法不可宣說。
 T09n0276_p0386a29(00) 所以者何？以諸眾生性欲不同。性欲不同，
 T09n0276_p0386b01(00) 種種說法；種種說法，以方便力，
 T09n0276_p0386b02(05) 四十餘年未曾顯實。是故，眾生得道差別，
 T09n0276_p0386b03(06) 不得疾成無上菩提。善男子！法譬如水，能洗垢穢，若井、若池、
 T09n0276_p0386b04(00) 若江、若河、溪、渠、大海，皆悉能洗諸有垢穢。
 T09n0276_p0386b05(01) 其法水者，亦復如是，能洗眾生諸煩惱垢。
 T09n0276_p0386b06(02) 善男子！水性是一，江、河、井、池、溪、渠、大海各各別異。
 T09n0276_p0386b07(00) 其法性者，亦復如是，洗除塵勞等無差別，
 T09n0276_p0386b08(01) 三法、四果、二道不一。善男子！水雖俱洗，
 T09n0276_p0386b09(03) 而井非池，池非江、河，溪、渠非海，
 T09n0276_p0386b10(08) 而如來世雄於法自在，所說諸法亦復如是。初、中、後說，
 T09n0276_p0386b11(04) 皆能洗除眾生煩惱，而初非中，而中非後，初中後說，
 T09n0276_p0386b12(01) 文辭雖一，而義各異。「善男子！我起樹王，
 T09n0276_p0386b13(03) 詣波羅奈鹿野園中，
 T09n0276_p0386b14(12) 為阿若拘鄰等五人轉四諦法輪時，亦說諸法本來空寂，代謝不住，
 T09n0276_p0386b15(03) 念念生滅；中間於此、及以處處，
 T09n0276_p0386b16(08) 為諸比丘並眾菩薩辯演宣說十二因緣、六波羅蜜，
 T09n0276_p0386b17(05) 亦說諸法本來空寂，代謝不住，念念生滅。今復於此，
 T09n0276_p0386b18(02) 演說大乘無量義經，亦說諸法本來空寂，
 T09n0276_p0386b19(03) 代謝不住，念念生滅。善男子！是故，初說、中說、今說，
 T09n0276_p0386b20(00) 文辭是一，而義差異。義異故，眾生解異。
 T09n0276_p0386b21(01) 解異故，得法、得果、得道亦異。「善男子！
 T09n0276_p0386b22(03) 初說四諦，為求聲聞人，而八億諸天來下聽法，
 T09n0276_p0386b23(02) 發菩提心。中於處處演說甚深十二因緣，
 T09n0276_p0386b24(03) 為求辟支佛人，而無量眾生發菩提心，或住聲聞。
 T09n0276_p0386b25(01) 次說方等十二部經、摩訶般若、華嚴海雲，
 T09n0276_p0386b26(01) 演說菩薩歷劫修行，而百千比丘、
 T09n0276_p0386b27(05) 萬億人天無量得須陀洹、得斯陀含、得阿那含、

T09n0276_p0386b28(03) 得阿羅漢、住辟支佛因緣法中。善男子！以是義故，
T09n0276_p0386b29(00) 故知說同，而義別異。義異故，眾生解異。
T09n0276_p0386c01(02) 解異故，得法、得果、得道亦異。是故，善男子！
T09n0276_p0386c02(03) 自我得道，初起說法，至于今日，演說大乘無量義經，
T09n0276_p0386c03(00) 未曾不說苦、空、無常、無我，非真、非假、非大、
T09n0276_p0386c04(01) 非小，本來不然，今亦不滅，一切無相，法相、
T09n0276_p0386c05(01) 法性不來不去，而眾生四相所遷。「善男子！
T09n0276_p0386c06(01) 以是義故，諸佛無有二言，能以一音，普應眾聲；
T09n0276_p0386c07(00) 能以一身，
T09n0276_p0386c08(14) 示百千萬億那由他無量無數恒河沙身；一身中，
T09n0276_p0386c09(11) 又示若干百千萬億那由他阿僧祇恒河沙種種類形；一形中，
T09n0276_p0386c10(03) 又示若干百千萬億那由他阿僧祇恒河沙形。
T09n0276_p0386c11(02) 善男子！是則諸佛不可思議甚深境界，
T09n0276_p0386c12(04) 非二乘所知，亦非十住菩薩所及，唯佛與佛乃能究了。
T09n0276_p0386c13(00) 「善男子！是故，
T09n0276_p0386c14(12) 我說微妙甚深無上大乘無量義經，文理真正，尊無過上，
T09n0276_p0386c15(07) 三世諸佛所共守護，無有眾魔外道得入，
T09n0276_p0386c16(08) 不為一切邪見生死之所壞敗。菩薩摩訶薩若欲疾成無上菩提，
T09n0276_p0386c17(00) 應當修學如是甚深無上大乘無量義經。」
T09n0276_p0386c18(01) 佛說是已，於是三千大千世界六種震動，
T09n0276_p0386c19(02) 自然空中雨種種花：天憂鉢羅華、鉢曇摩華、
T09n0276_p0386c20(02) 拘物頭華、分陀利華；又雨無數種種天香、天衣、
T09n0276_p0386c21(01) 天瓔珞、天無價寶，於上空中旋轉來下，
T09n0276_p0386c22(03) 供養於佛，及諸菩薩、聲聞大眾；天廚、天鉢器、
T09n0276_p0386c23(03) 天百味充滿盈溢；天幢、天幡、天幘蓋、
T09n0276_p0386c24(06) 天妙樂具處處安置，作天伎樂，歌歎於佛。又復六種震動，
T09n0276_p0386c25(01) 東方恒河沙等諸佛世界，亦雨天華、天香、天衣、
T09n0276_p0386c26(00) 天瓔珞、天無價寶，天廚、天鉢器、天百味、天幢、
T09n0276_p0386c27(00) 天幡、天幘蓋、天妙樂具，作天伎樂，歌歎彼佛，
T09n0276_p0386c28(00) 及彼菩薩、聲聞大眾；
T09n0276_p0386c29(09) 南西北方四維上下亦復如是。於是，
T09n0276_p0387a01(12) 衆中三萬二千菩薩摩訶薩得無量義三昧，
T09n0276_p0387a02(12) 三萬四千菩薩摩訶薩得無數無量陀羅尼門，
T09n0276_p0387a03(11) 能轉一切三世諸佛不退轉法輪，其諸比丘、比丘尼、優婆塞、優婆夷、天、龍、
T09n0276_p0387a04(00) 夜叉、乾闥婆、阿修羅、迦樓羅、緊那羅、
T09n0276_p0387a05(03) 摩[目*侯]羅伽、大轉輪王、小轉輪王、銀輪、鐵輪、諸轉輪王、
T09n0276_p0387a06(00) 國王、王子、國臣、國民、國土、國女、國大長者，
T09n0276_p0387a07(01) 及諸眷屬百千眾俱，聞佛如來說是經時，
T09n0276_p0387a08(02) 或得煥法、頂法、世間第一法、須陀洹果、斯陀含果、
T09n0276_p0387a09(00) 阿那含果、阿羅漢果、辟支佛果，
T09n0276_p0387a10(05) 又得菩薩無生法忍，又得一陀羅尼，又得二陀羅尼，
T09n0276_p0387a11(02) 又得三陀羅尼，又得四陀羅尼，
T09n0276_p0387a12(07) 五六七八九十陀羅尼，又得百千萬億陀羅尼，
T09n0276_p0387a13(06) 又得無量無數恒河沙阿僧祇陀羅尼，
T09n0276_p0387a14(08) 皆能隨順轉不退轉法輪，
T09n0276_p0387a15(14) 無量眾生發阿耨多羅三藐三菩提心。

Edited 1 time(s). Last edit at 01/11/2013 11:54PM by gustav.